

MELIBOEVS
THOMÆ WATSONI

Sive,

ECLOGA 7^a IN OBITU

HONORATISSIMI VIRI,

Domini Francisci Valsinghami, Equitis

aurati, Diuæ ELIZABETHÆ asc-


cretis, & sanctioribus consilijs.

Hec

Johnes



LONDINI,
Excudebat Robertus Robinsonus.
M. D. LXXX.





GENEROSISSIMO VIRO

Thomæ VValsinghamo Armigero,

laudatissimo virtutis & litterarum assertori

Tho. Watsonus

S. D.



Drisum faciles soleo cantare Na-
pæas,
Et spumagenitæ furta iocosa Deæ,
Et lætas gelida Charites Nym-
phasq; sub umbra,


Et mistos ioculis, illecebrisq; sales:
Sed noua iam rerum facies ad seria suadet,
Et sonat illepida nostra Thalia fide.
Fnuitos necto numeros, gemituq; resoluor
Fn tristes Elegos, funereumq; melos.
Nec solus fundo lacrymas: gemit Anglia tota,
Et luget laceris undiquè sparsa comis.

A 2

Mag-

*Unguis enim (pro) iata) ulem Franciscus
Arcadiæ nostræ qui Melibæus erat: (obiuit,
Et mihi subtristes qui (te mediante) procellas
Depulit, hyberno vela ferente Noto.
Officio iubeor miserandos ædere questus,
Et lacrymis lacrymas accumulare tuis.
Tu clemens dignare pias audire querelas:
Dumquæ ego sum Corydon, Tityrus esse uoli.
Ereptum nobis Melibæum flebimus ambo:
Flebimus, ut raptum fleuit amicus Hylam.*

*Dignitatis tuæ studiosus
Thomas Watsonus.*





ECLOGA IN OBITVM

HONORATISSIMI VIRI,
Domini Francisci Walsinghami, Equitis
aurati, Diuæ ELIZABETHÆ a se-
cretis, & sanctioribus consilijs.

Corydon.

Tityrus.



*I*tyre, iam quoniam prati per amœnâ
vireta

Sparguntur pecudes, & nos conse-
dimus ambo,

*Huius (si quid amas) effare sub arboris umbra,
Quæ noua sollicitos apportent fata dolores:
Cur tua cum molli Zephyro suspiria pugnant,
Atq; serenato minitantur prælia celo,
Qui tenuem placida Musam meditatus auena,
Demulcere soles ventos in bella paratos?
Squalida quid sibi vult curarum conscia vestis?
Pectore cur singultus inest? cur lumine fletus?
Quid sedet in vultu macies? quid in ore querela?*

B

Dic

*Dic age, mærorem sit fas lenire monendo,
Aut saltè lacrymis nostros connectere planctus:
Non levis est, luctus socios habuisse, voluptas.*

Tityrus.

*O Corydon, Corydon, noli perquirere causas
Altiùs, & dirum fando renouare dolorem:
Triste recrudescet blando tantamine vulnus,
Nullaq; lugentem comitum lamenta iuuabunt:
Immedicabilibus morbis adhibere medelam
Desine: solus ego per sylvas luce carentes,
Solut ego misera flens infortunia vita,
Ut viduus turtur, putri de vimine questus
Cælorum contra crudelia sidera fundam.*

Corydon.

*Te per ego trinas Charites, hilaresq; Napeas,
Quæ toties choreas istos duxere per agros:
Per pictum Floræ strophium, Cererisq; coronam:
Per Satyros, Panes, Fauni venerabile numen:
Per vitreas Thamesis lymphas: per lustra Dianæ,
Seu mauis, ipsum per sacra nomen Elisæ:
Deniquè per florem mutati nuper Amyntæ,
Sanguineum florem, sinceri pignus amoris,
Obtestor, cacum nè celes pectore vulnus.
Pande, precor, tanti quæ sit tibi causa doloris.
Qui tecum risu sub verno sole fruebar,
Nubila nunc hyemis plorabo tempora tecum:
Una duobus erit sors, & mens vna duobus.*

Tityrus

Tityrus.

*Inuitum taciti meroris prodere fontes
Supplicibus votis, & amico fœdere cogis.
Accipe, quod fari gemitus permittet acerbus:
Ante diem (proh fata) diē Melibœus obiuit.
Ergo, si quid habes Corydon (quâ te quoq; vatem
Dicimus Arcadici) numerosos incipe luctus:
Anxia namquē mihi sistunt suspiria linguam.*

Corydon.

*Incipio: mecum Diuæ lugete Camæna,
Et tu laurigeri collis regnator Apollo.
Pegaseas ripas lacrymarum flumen inundet:
Munere Musarum pennis induta nigellis
Euolitent latè totum lamenta per orbem.
Nos etiâ, quamuis luna stellisq; priores
Arcades, astricolis & gens charissima Diuis,
Obliti solitæ pietatis, murmure rauco
Gyrantes flammæ alti culpemus Olympi.
Ante diem (proh fata) diē Melibœus obiuit.
Tant enē insulunt animis cœlestibus iræ,
Ut neq; præcipui pastoris candida virtus;
Nec prudens rebus solertia parta gerendis;
Nec pectus varia suffultum Palladis arte;
Nec suauem referens facundia docta Periclem;
Nec pius & patriæ tutanda feruidus ardor;
Nec vigil in nostræ Dictynnæ cura salutem;
Nec magni tituli, seriesq; & splendor auorum;*

Nec res innumera, quarum fulgebat honore,
Saturni possent frontem pacare malignam,
Et nocuum Luna frigus, Martisq; calorem?
O rigidos ignes, o exitiabile cælum:
Ante diem (proh fata) diē Melibœus obiuit,
Attamen o iusto mœrori parcite cali;
Qua non credideram, misera defectio mentis
Impulit, & pietas, & adurens æstus amoris.
Ah pudet, inq; Deos prauè piget esse loquutum:
Crimine Parcarum cecidit, non crimine vestro.
O æterne parens, nutu qui nubila cogis,
Et fixi rutilos, mundi q; rotatilis ignes
Officio seruire iubes, terramq; fouere
Mobilibus radijs; dirarum facta sororum
Inspice, que nusq; virtuti parcere norunt:
Supplicijs cohibe duris, & vindice pena.
Noster enim Pastor, nondum poscente senectâ,
Ante diem (proh fata) diē Melibœus obiuit.
Sin maiora precor q̃ sit mortalibus æquum,
Hoc tamen, hoc vnum misero concede petenti:
Ille Deus nostri certissima gloria ruris,
Qui tua legatus recte mandata ficeffit,
In furuos lapsus thalamos Iunonis Auerne,
Immites Parcas rapidi Phlegetontis ad undam
Increpet, & iubeat pastorum absistere fatis,
Tam propero quoniam deuoluunt stamina fuso.
Posthac ætherea calorum fiat in arce

Illud

3

Illud opus, dignum Superis. Quid Noctis alumna,
Atq; Erebi possunt, q̄ candida rumpere fila?
Morta rosam piceo vernantem corripit ungue:
Ante diem (proh fata) diē Melibœus obiuit.
Inuidet (heu) summis pastoribus improba Morta.
Astrophilum pridem rapuit vitalibus auris,
Delicias Melibæe tuas, Hyalesq; maritum
Candidulę nymphæ pulchrum, dum fata sinebant.
Cum Pyrenæis leo descendisset Iberus
Montibus, & cursu longinqua per aquora vectus,
Belgarum tandem violens armenta voraret:
Astrophilus ferro cinctus, sudibusq; præustis,
Finibus erupit nostris, validoq; furentem
Marte laceffuit, solo virtutis amore.
Cetera nē dicam, lacrymæ, gemitusq; fatigant.
Ad socerum redeo. Generi certamina lugens
Ante diem (proh fata) diē Melibœus obiuit.
Dicite nunc socij, si dicere fortē potestis,
Quis vice defuncti crescentes aggere claudet
Montosoriuos, nē pascua picta pererrent?
Quis fossa torrentis aquas prohibebit agello,
Nē simul & letas menses, & pinguia latē
Deuastent culta, heu miseris ploranda colonis?
Quis pice languiduli scabiem curabit ouilis,
Aut alios vario subeuntes corpore morbos
Tollet, & immundum mersabit flumine cellus?
Quis molles pratis agnos, agnos trepidantes,

Et teneros celsis imponet montibus hædos,
Nocteq; sub prima saturos in tecta reducet?
Ante diem (proh fata) diē Melibœus obiuit.
Quis presso vacuam tellurem findet aratro,
Pinguia diuiduis ut sulcis semina mandet,
Et glebis subigat dentata crate solutis?
Quis metet, & vincetas stridentibus undiquē plau-
Exportabit agro, ponetq; sub horrea fruges, (stris
Sirius urenti spicas ubi coxerit astro?
Quis positis minuet pastorum iurgia saxis,
Consilioq; feras lites, priuataq; bella
Molliet eloquio, dum quisque aliena subintrat
Arua, nec assueto dignatur limite stringi?
Publica quis vidui curabit commoda ruris?
Seria quis ludis miscabit, & utile dulci?
Ante diem (proh fata) diē Melibœus obiuit.

Tityrus.

Sæpe meis olim placuit tua stridula canna
Auribus, ad Parios quando cantabat olores,
Sequana diuisam quæ fluctibus alluit urbem,
Fœlicem, licito si regi seruiat, urbem.
Tum tua cordatis (memini) iuuenilia pleetra
Perplacuerè viris, & pupisq; es visus hyrundo.
At nunc ô Corydon, quantum mutaris ab illo
Tempore? prima nouis superatur Musa querelis;
Dumq; pio mortem Melibœi carmine defles,
Arcadia toti dulcis philomela vidèris.

Atta-

*Attamen ut lasso sit respirare facultas,
Raucus ego cœptos augebo carmine cantus.
Ante diem (proh fata) diē Melibœus obiuit.
Infœlix misero canitur dum nenia versu,
ô quotquot primæua parens animantia terris
Indidit, aut gelido ponto, cæloq; patenti,
Omnia nunc simul ad mæstos concurrere planctus;
Vt pulchella meas mundi totius imago
Testetur lacrymas, atq; illætabile murmur.*

*Primum signifero magnus quas fixit in orbe
Arbiter, ô mecum cuncta lugete figura.
Carcinus ardorem lacrymoso temperet imbre:
Æstiuusq; Leo rugitibus impleat auram:
Et nolit saltare Aries: fletumq; perennem
Amphora distillet: quidenim nisi flere potestis?
Ante diem (proh fata) diē Melibœus obiuit.
Libra diem tepido non æquet sydere nocti:
Nam magis arridet tenebrosa dolentibus umbra,
Splendida q̃ lucis facies: lux consona letis.
Vulneret Arcitenens infectis cruda sagittis
Numina Parcarum, vt diro cruciata veneno,
Horrendis trepidum turbent ululatibus Orcum.
Et piger inducat Capricornus frigora brumæ
Mansura, pluuias & Piscis mutuet undas.
Et feriat cornu Taurus; caudaq; minaci
Scorpius: & nusq; Gemini pereuntia fratres
Carbasa sustentent. Tu denique candida Virgo.
Vngue*

*Vngue genas lacera: quid enim nisi triste supersit?
Ante diem (proh fata) diē Melibœus obiuit.
Lucentis porrò sinuosa volumina cœli,
O simul! ad nostras accedite singula curas:
Nè Superùm sedes, mundo lacrymante minori,
Diffluat in risum. Sed te Saturne precari
Nil opus ad luctum, quoniam nihil es nisi luctus:
Nàm mihi si vates pastorum maximus Orpheus
Veridicè motus, viresq; reclusit Olympi,
Plumbeus & gelidus cyc lum percurris auaro
Progressu, tardiq; premunt vestigia calcis
Tristities, gemitus, lacrymę, lamenta, dolores,
Deliræ tenebræ, terror, discordia, pallor,
Perdulces nobis comites in funere, quando
Ante diem (proh fata) diē Melibœus obiuit.
Tu verò celebris nymphæ Cretensis alumne,
Qui laudata tenes in lampade regna sequenti,
Exue nunc veteres animos ad gaudia promptos,
Atq; salutaris mutetur gratia stella,
Nec blanda virtute Deum compesce furentem.
Diffundant lites flammata palatia Martis
Pectus in humanum: nec, te miserante, cruenta
Sistatur cedes, aut frænos perferat ira.
Auree Sol mundo non amplius esto benignus:
Quæq; præis, sequerisq; (suo sed tempore) Solem,
Soluare in lacrymas: Et tu charissime Stilbon
Opposito Phæbi lucem confunde galero;*

Ante

Ante diem(proh fata)diē Melibœus obiuit.

*Ultima mobilium sphaerarum, sed mihi prima,
Dum varios mutata subis, fundisq; labores,
Luna tuo nostros auge conamine questus.*

*Desine furari Phæbo sua lumina, pennæ
Noctis ut obuelent densa caligine terram,
Deq; polo sperent solatia nulla miselli
Arcades, eximij Pastoris morte miselli.*

*Defectusq; tuæ doleant mortalia lucis
Omnia: subtimidi Reges, populiq; tremiscant,
Effigiem noctis quando sine nocte figuras.
Humorum tam larga tuo descendat ab ore
Copia, transilient omnes ut marmora metas.*

Ante diem(proh fata)diē Melibœus obiuit.

*Iamq; graues audi spirabilis aura querelas:
Et quæcunque tuus, spatio diffusus inani,
Continet amplexus, dignentur promere mecum
Funebre lamentum. Radijs ex æquore tracti
Humores, gemitu pulsî mutantur in imbrem.*

*Efficiant lacrymæ nubes, suspiria causas
Ventorum, varium discordia semina fulmen.*

*Rubrae pyramides, ardens candela, sagittæ
Accense, scintilla volans, ignita capella,
Idolum, grando, tonitru, stellæq; cadentes,
Cunctaq; quæ pando generantur in æthere, mira
Desuper ad nostros adant portenta dolores.*

Ante diem(proh fata)diē Melibœus obiuit.

C

Nunc

Corydon.

*Nunc mihi cessatum satis est: tu Tityre paulum,
Dum positos iterum tento depromere luctus,
Respira, gravibusq; modum concede querelis.
Alternis flentes vicibus cantabimus ambo,
Cervicesq; iugo parili subdemus uterque.
Tu (fateor) grandi tetigisti magna cothurno,
Æthereos tractus numerans, orbisq; remoti
Virtutes. At humi tandem mea Musula serpet,
Ac humili texet nisi pastoralia cantu:
Est mea simplicitas rudibus contenta camenis.
Attamen o vtinam sacro de fonte bibissem
Dignos perpetua Melibœi laude liquores,
Et solidas possem rupes mollire canendo:
Ante diem (proh fata) diē Melibœus obiuit.
Omnia nunc istuc spaciosi Numina ruris
Accelerate gradus, viridiq; in cespite Diui
Cumbentes, sparsisq; genas humoribus alto
Defluxis cerebro, variato murmure nostras
(Nam vester Melibœus erat) fulcite camenas.
Et cultæ Charites paulisper mittite lucos
Suauius exhilarare sonis, aut sole sereno
Pectere flauentes per eburnea colla capillos.
Dulcis ad ascaula numeros non motibus usq;
Saltetur leuibus: desistant ludere nymphis
Permisti Satyri: lacryma sint sola voluptas.
Ista novos etenim deposcunt tempora mores:*

Ante

Ante diem(proh fata)diē Melibœus obiuit.
In syluis, exuta suis iam qualibet arbos
Frondebis, amissum doleat nudata virorem.
Iuniperi Vernix exudet corpore secto,
Et spissi Myrrhe fecundo cortice rores.
In syluis corui crocitant, & bubo, Strygesq;
Vulturiusq; gemant: strepitent sturni, graculiq;
Unisonas rudibus cuculis geminantibus odas.
Sed turdus, fringilla, rubella, & alauda, & Acanthis,
Et reliquæ taceant volucres, quæ dulce susurrant.
In syluis Vri, vulpes, vrsiq; lupiq;
Et frendens aper, & catulis comitata leana,
Vicinas feriant metuendis questibus auras:
Ante diem(proh fata)diē Melibœus obiuit.
Jam viduis in agris segetes capita inclinate,
Nec tenuis gravidam spicam sustentet arista,
Agricola raptō, qui vos runcare solebat.
Iam viduis in agris teneræ marcescite vites,
Inq; nouo crescens moriatur palmite gemma,
Quandoquidem perijt, qui vinitor esse solebat.
Iam viduis in agris crudi putrescite fructus,
Castanea, pyra, pruna, nuces, & citrea mæla,
Insitor occubuit, mala qui castrare solebat.
Iam viduis ab agris pulchri discedite flores,
Lilia, narcissi, calthæ, violæq; rosæq;
Qui dudum noster topiarius esse solebat,
Ante diem(proh fata)diē Melibœus obiuit.

O vidui ruris vepres, viburna, rubeta;
O valles, campi, montes; ô flebilis Eccho;
O quæ lugetis defunctum examina regem;
O fontes, riui, vada, flumina, stagna, paludes;
Tuq; cõaxatrix ad crassas rana lacunas;
Et nymphae gelidis habitantes antra sub undis
Saxea, sed molli semper viridantia musco;
O armenta, sues, & oues, ouiumq; magistri,
Infantes, pueri, iuuenesq; viriq; senesq;
Matronaq; graues, nupta, innuptaq; puella,
Quotquot in Arcadia vitalem ducitis auram,
O simul; ô mecum miseros effundite questus:
Ante diem (proh fata) diẽ Melibœus obiuit.

Tityrus.

Is hæc mitte mihi: me, me magis ista decebunt,
Quem dolor augescens curis mordacibus urit.
Occidis ô dulcis Melibæe, ô patrue dulcis,
O pater, ô quid non? ô nostri gloria ruris
Mascula, firmatum Diuæ munimen Elise.
Sicut enim robor, vel quæ superminet ingens
Ornus, in excelsas dum surgit vertice nubes,
Perferat ipsa licet violenti fulminis ictus,
Luctantesq; ruant venti circumq; supraq;
Perq; comas, perq; ora imber fluat, illa nec atro
Fulmine, nec vento luctante, nec imbre fatiscit:
Haud secus ille vices fortune pertulit omnes,
Sed semper constans, & Elise fidus. At eheu,

Ante

5

Ante diem(proh fata)diē Melibœus obiuit.

*Tu recte Corydon ad nostras rura querelas
Impellis clamore tuo: Sed totus ut orbis
Nobiscum rapti deploret Solis acerbum
Occasum, falso regnantia Numina campo
Compellare libet, luctuq; subire profundum:
Omnia nam gremio complectitur Amphitrite.
Huc ades o Neptune pater, furcaq; tridenti
Ignauo minitare polo, qui sydere nullo
Immites Erebi, Fatiq; cœercuit iras;
Non impune ferat tantum patientia celi
Delictum: sub aquis cogatur viuere magnus
Iuppiter, & supra tu fati dirige leges:*

Ante diem(proh fata)diē Melibœus obiuit.

*Huc ades O Nerei nunq̃ nisi vera canentis
Glaucē senex vates; & tu Terræq; marisq;
Fili Phorce veni, Ceto comitate marita,
Quæ seruaturum fuluo pomaria fructu
Consita serpentem peperit, mirabile monstrum:
Tuq; nouis dudum titulis imbutē Palemon:
Et tot diuersas olim mentite figuras,
Ad nos Carpathio vates è gurgite prodi:
Et Tethis, natuq; minor Thetys: Illicet omnes
Dijq; Deaq; maris, nymphaeq;, Pherusa, Ligæa,
Lamprothœe, Melite, Galatæaq;, Cymothœeq;,
Nobiscum flentes totos insumite riuos.*

Ante diem(proh fata)diē Melibœus obiuit.

Interea Triton stridenti marmora concha
Personet extremas præterlabentia terras,
Et rauco celebret Melibœi funera cantu,
Lugubri cantu, quem carula deferat unda
In variis oras Phæbo sub utroque iacentes,
Et tristi præter solitum rumore susurrans,
Innumeros voluat per inania littora planctus.
Non ita lasciui surgant delphines in altum;
Ut capiant pueros, cythara vel Arionis ipsi
Sint iterum capti; sed abundant lumina fletu.
Et tepidum, sed syncerum nunc improba Syren
Exundet rorem, sparsos laniata capillos.
Ante diem (proh fata) diem Melibœus obiuit.

Corydon,

Iam satis est lacrymis indultum Tityre: paulum
Ausculta, & compone meis sermonibus ora,
Dum meliora loquar cælesti Numine doctus:
Nam mihi, nescio quo, plenum spiramine pectus
Letitias ardet muliebria post lamenta.
Tu mecum letare simul, quia nubila tecum
Vnanimis luxi: sit tempus utrique serenum.
Non ita multa subest ita longi causa doloris.
Ab falso querimur Melibœum fata subisse
Lurida, cum dira molis compage solutus,
Et maestam placido commutans sydere terram,
Æternas luces oculis miratur apertis.
Ille supra cælos (quisquis fuit ille Deorum,

Qui

Qui mihi suggestit) virtuti premia liuor
Ne raperet, vitam firmantis pocula sumpsit
Nectaris, & nostras ridet super astra querelas.
Tityre foelici lætum Pæana canamus.
Cælestes inter turmas, quas ordo nouenus
Diuidit, (antiquo si fas est credere vati)
Jam noster Melibæus agit: quæ flammea latè
Collucent Seraphin: Et sacro plena liquore
Plus sapiunt Cherubin: & quæ censura potentis
Iusta Thronos intrans mortalia singula librat:
Quæ simul a sacro dominantia numina nomen
Officio capiunt, multum parentq; iubentq;
Quæ princeps numerus subiectis mystica pædit
Ciuiibus: & semper superantibus utitur armis
Turba Potestatum: Virtutes mira faceffunt:
Denique quæ maiora ferens Archangelus orbi
Cantat, & Angelicus qui nunciat ordo minora.
Tityre, foelici lætum Pæana canamus.
Cum superis Diuis diuinas incolit arces
Ambrosijs epulis pastus Melibæus: & alto
Culmine despicieus per tralucens Olympi
Stellas, Arcadiam vultu solatur amico.
Nos ex officio, dum spiritus incolit astra,
Spargamus violis, & olenti corpus Acantho,
Purpureisq; rosis, casiaq; thymoq; & amomo:
Et merito tantum careat nè funus honore,
Ornemus velo, pulchrisq; tapetibus artus,

O præ-

O præclare, tuo dignos, Mausole, sepulchro.
Ducamus vigiles noctes ad triste cadauer,
Eulogijs plenos recitantes undiquè versus.
Tityre, foelici lætum Pæana canamus.
Solemur Dryadem, nimio quæ victa dolore,
(Heu vereor) sicut quondam Philacæia coniux,
Amplexans gracilem defuncti coniugis umbram,
Expirabit amans. Hyalen solemur honoræ
Matris adherentem lateri, iunctisq; querelis
Mollia ad immites tendentem brachia cælos,
Brachia Sithonijs niuibus magè candida, quorū
Astrophilus toties in vincula grata cucurrit,
Ut cingi cupida sinuosis vitibus ulmi.
Deniquè vexillis nigrum parmisq; ferètrum
Condamus, furuos insignia debita pannos
Tigridis ut vultu decorent, & fronte minaci.
Tityre, foelici lætum Pæana canamus.
Imprimis autem sacram conemur uterque,
Totaq; solari nobiscum rura Dianam;
Quæ caput est huius regni, quæ gloria regni;
Quæ Cybele cæli nostri, quæ nostra Sybilla;
Quæ pietatis amans, placida quæ pacis amica;
Quæ genus & proavos proprijs virtutibus ornat;
Quæ varijs loquitur linguis; quæ vatibus ipsa
Indulget vates, & doctis doctior ipsa;
Quæ Iunonis habet gestum, moresq; Minervæ,
Et veneris formam; quæ, sit licet innuba virgo,
Exuperat

6
Exuperat reges, quantum querceta myricas.
Sed quideam refero, quæ nostro carmine maior,
Est cantanda tuo dulcis Spencere cothurno,
(Cuius inest numeris Hiblai copia mellis.
Tu quoq; nobiscum (quoniam tu noster Apollo)
Lugentem solare Deam, quoties Melibæi
Tristia lacrymulis preciosis funera deflet.
Dic illi (tu namque potes sælice camæna)
Arcadas innumeros, quanq̃ Melibæus obiuit,
Præstantes superesse viros, similes Melibœi.
Damocetam memora, quo non præclarius alter,
Non quisq̃ ingenio melior, non promptior ore,
Non grauior vultu, nec ad arma paratior extat:
Ille est Damætas, qui iuris corrigit iram,
Quæ vocat Hattonum Triuij venerabile Numen.
Damonem memora, qui Nestora pluribus annis
Consilioq; refert nunq̃ nisi vera monenti:
Nam quod erat magno maturus Nestor Atride,
Qui patrem patrie multis Aiacibus vnum
Prætulit, id nostra Damon longæius Elise:
Regales gazas rectos conseruat in usus
Damon, Cæcilium quem diximus Arcades olim.
Ægonem memora, vicinas lintribus undas
Qui tegit, & validi Neptuni munere fungens,
Ingentes nostro profligat littore phocas:
Howardum veteres sæclo dixere priori.
Deniq; tu Mopsum, tu Daphnim, tu Alpheisibæum,
D Sylua-

Sylvanum, Faustum, & sapientē multa Menalcā,
Et reliquos numerosa pastores, quotquot Elisam
Pectore sincero, nullam passisq; quietem
Luminibus, vigiles audio tutantur ab hoste.
Ambrosios illi sistunt hæc nomina fletus.

Tityrus.

Quales Oebalij faustissima lumina fratres,
Exhaustos pelagi rabie, pulsuq; frementum
Æolidum, grato tranquillat sydere nautas,
Dum ponunt venti, pluuia ceduntq; tenēbra:
Sic tuus o tandem (Corydon) peramabilis aures
Sermo meas mulcens, exēmit pectore curam,
Et lacrymas oculis, & acerbis ore querelas.

Eccē sed adueniens suadet discedere vesper:
Ire domum libeat, pecudesq; includere septis.
Discam paulatim rigidos de discere luctus.



